



卷八十五

書名 史記一百三十卷 慶長元和間古活字印本
 撰者 漢 司馬遷 撰，劉宋 裴駟 集解，唐 司馬貞 索隱，唐 張守節 正義
 卷 卷八十五
 內容分類 史-正史-分刻-史記
 索書號 貴重-30
 編號 B1112300

[彩色首頁1](#)
[彩色首頁2](#)

[東洋文化研究所漢籍目錄 編號: B1112300](#)
[東洋文化研究所漢籍目錄所藏漢籍善本文影像資料庫 索書號: 貴重-30](#)
[漢籍善本文影像資料庫文本史記一百三十卷 慶長元和間古活字印本](#)
 版權所有: [東京大學](#) [東洋文化研究所](#)
[使用上的注意事項](#)

三皇本紀

補史紀
小司馬氏撰并注

小司馬氏云太史公作史記古今君臣宜應上自開闢下迄當代以爲一家之首尾今闕三皇而以五帝爲首者正以大戴禮有五帝德篇又帝世皆叙自黃帝已下故因以五帝本紀爲首其實三皇已遷載籍罕備然君臣之始教化之先既論古史不合全闕近代皇甫謐作帝王代紀徐整作三五歷皆論三皇已來事斯亦近古之一證今並採而集之作三皇本紀

雖復淺近聊補闕云

大皞氏風姓代燧人氏繼天而王母曰

呂不韋列傳第二十五

史記八十五

呂不韋者陽翟大賈人也

索隱曰翟音狄俗又音宅地理志縣

名屬潁川戰國策以不韋為濮陽人又記其事跡亦多與此傳不同班固雖云太史公採戰國策然為此傳當別有所聞見故不全依彼說或者劉向定戰國策時以已異聞改易彼書遂令不與史記合之也賈音古鄭玄注周禮云行曰商賈曰賈○正義曰陽翟今河南府往來販賤賣貴徐廣曰一本云翟大賈也

曰王劭賈作鬻音育案育賈義同今如字讀

家累千金秦昭王四

十年太子死其四十二年以其次子安國君

為太子

索隱曰名柱後立是為孝文王也

安國君有子二十

餘人安國君有所甚愛姬立以為正夫人號

曰華陽夫人華陽夫人無子安國君中男名

子楚

索隱曰即莊襄王也戰國策曰本名異人後從趙還不韋使以楚服見王后悅

之曰吾楚人也而子字之乃變其名日子楚

子楚母曰夏姬母愛

子楚為秦質子於趙

索隱曰質舊音致今讀依此穀梁傳曰交質子

不及二伯左傳曰信不由中質無益也

秦數攻趙趙不甚禮子

楚子楚秦諸庶孽孫

索隱曰韓信傳亦曰韓信襄王之孽孫張晏曰

孺子曰孽子何休注公羊孽
子賤子也非嫡正之子曰孽
質於諸侯車乘

進用不饒索隱曰下文又云以五百金為進用宜依小顏讀為賁音才刃反進

者財也古字居處困不得意呂不韋賈邯鄲

見而憐之曰此奇貨可居以子楚方財貨也正義曰戰國策

云濮陽人呂不韋賈邯鄲見秦質子異人謂其父曰耕田之利幾倍曰十倍珠玉之贏幾

倍曰百倍主立定國之贏幾倍曰無數不韋曰今力田疾作不得暖衣飽食今定國立君

澤可遺後世願往事之秦子異人質於趙處於聊城故往說之乃說秦王后弟楊泉君曰

君之罪至死君知之乎君門下無不居高官尊位太子門下無貴者而駿馬盈外廐美女

充後庭主之春秋高矣一日山陵太子用事若危於累卵而不壽於朝生今有計可以使

君富千萬寧於太山必無危亡之患矣楊泉曰請聞其說不韋曰王年高矣王后無子子

後有承國之業士倉又輔之王一日山陵子後立士倉用事王后之門必生蓬蒿子楚異

人賢材也棄在於趙無母引領西望欲一得歸王后誠請而立之是異人無國有國王后

無子有子楊泉曰諾入說乃往見子楚說曰王后為請於趙而歸之

吾能大子之門子楚笑曰且自大君之門而

乃大吾門呂不韋曰子不知也吾門待子門

而大子楚心知所謂乃引與坐深語索隱曰既解不

韋所言之意遂與密謀深語也呂不韋曰秦王老矣安國君

得為太子竊聞安國君愛華陽夫人華陽

夫人無子能立適嗣者正義曰適音嫡獨華陽夫人

耳今子兄弟二十餘人子又居中不甚見幸

久質諸侯即大王薨安國君立為王則子無

幾得與長子正義曰言子楚無及諸子旦暮

在前者爭為太子矣索隱曰幾音冀幾望也

策曰子楚承國之業又有母在中高誘子楚

注云子楚秦太子異人之異母兄弟也

曰然為之奈何呂不韋曰子貧客於此非有

以奉獻於親及結賓客也不韋雖貧請以千

金為子西游事安國君及華陽夫人立子為

適嗣子楚乃頓首曰必如君策請得分秦國

與君共之呂不韋乃以五百金與子楚為進

用結賓客而復以五百金買奇物玩好自奉

而西游秦求見華陽夫人姊而皆以其物獻

華陽夫人因言子楚賢智結諸侯賓客徧天

下常曰楚也以夫人為天日夜泣思太子及

夫人夫人大喜不韋因使其姊說夫人

索隱曰戰

國策在說秦王曰吾聞之以色事人者色衰

而愛弛今夫人事太子甚愛而無子不以此

時蚤自結於諸子中賢孝者舉立以為適而

子之

索隱曰以此為一句子為養之為子也然欲分立以為適作上句而子之夫在

則尊重作下句意亦通夫在則重尊夫百歲之後子

者為王終不失勢此所謂一言而萬世之利

也不以繁華時樹本即色衰愛弛後雖欲開

一語尚可得乎今子楚賢而自知中男也次

不得為適其母又不得幸自附夫人夫人誠

以此時校以為適夫人則竟世有寵於秦矣

華陽夫人以為然承太子閒從容言

索隱曰閒音閑

從音七恭反子楚質於趙者絕賢來往者皆稱譽

之乃因涕泣曰妾幸得充後宮不幸無子願

得子楚立以為適嗣以託妾身安國君許之

乃與夫人刻玉符約以為通嗣安國君及夫人因厚餽遺子楚而請呂不韋傳之子楚以此名譽益盛於諸侯呂不韋取邯鄲諸姬絕好善舞者與居索隱曰言其安容絕美而又善舞也知有身子楚從不韋飲見而說之因起為壽請之呂不韋怒念業已破家為子楚欲以釣奇索隱曰釣者以取魚喻也奇即上云此奇貨可居也乃遂獻其姬姬自匿有身至大期時徐廣曰期十二月也○索隱曰譙周云人十月生此適二月故云大

暮蓋當然也既云自匿有娠則生政固當踰常期也生子政子楚遂立

姬為夫人秦昭王五十年使王齕圍邯鄲急趙欲殺子楚子楚與呂不韋謀行金六百斤予守者吏得脫亡赴秦軍遂以得歸趙欲殺子楚妻子子楚夫人趙豪家女也得匿以故母子竟得活秦昭王五十六年薨太子安國君立為王華陽夫人為王后子楚為太子趙亦奉子楚夫人及子政歸秦秦王立一年薨

謚為孝文王太子子楚代立是為莊襄王莊

襄王所養母華陽后為華陽太后索隱曰劉氏本作所

生母生衍字今檢真母夏姬尊以為夏太后

莊襄王元年以呂不韋為丞相封為文信侯

索隱曰下文尊為相國案百官表云皆秦官

金印紫綬掌承天子助理萬機秦署左右高

帝署一後又更名相國食河南洛陽十萬戶

哀帝時更名大司徒索隱曰戰國策曰食藍田十二縣而秦本紀

莊襄王元年初置三川郡地理志高相更名

河南此秦代而曰河南者莊襄王即位三年

史記後作據漢郡而言之

薨太子政立為王徐廣曰時尊呂不韋為相

國號稱仲父正義曰仲中也次父也蓋秦王

效齊桓公以管仲為仲父年少太后時時竊私通呂不韋不韋家僮萬

人當是時魏有信陵君正義曰年表云秦昭

王五十六年平原君早楚有春申君趙有平原君齊有孟嘗君索隱

最曰王劭云孟嘗春申死已久據表及傳孟嘗

春申死稍在前信陵將五國兵攻秦河外正

當在莊襄王時不韋已為相又春申與不韋

韋並時各相向十餘年不得言死之久矣皆

下士喜賓客以相傾呂不韋以秦之彊為不
如亦招致士厚遇之至食客三千人是時諸
侯多辯士如荀卿之徒著書布天下呂不韋
乃使其客人人著所聞集論以為八覽六論
十二紀二十餘萬言索隱曰八覽者有如孝
行慎大先識審分審應
離俗時君也六論者開春慎行貴直不苟以
順士容也十二紀者記十二月也其書有孟
春等紀二十餘萬
言三十餘卷也以為備天地萬物古今之

事號曰呂氏春秋布咸陽市門

索隱曰地理志右扶風渭

咸陽故咸陽高帝更名新城武帝更名渭城
案咸訓皆其地在渭水之北北阪之南水北

日陽山南亦曰陽
皆在二者之陽也懸千金其上延諸侯游士

賓客有能增損一字者予千金始皇帝益壯

太后淫不止呂不韋恐覺禍及已乃私求大

陰人嫪毐以為舍人時縱倡樂使毒以其陰

關桐輪而行正義曰以桐木為小車輪令太后聞之以嚼

太后太后聞果欲私得之呂之韋乃進嫪毐

詐令人以腐罪告之正義曰上音輔
謂官刑骨靡也不韋又

陰謂太后曰可事詐腐則得給事中太后乃
陰厚賜主腐者吏詐論之拔其鬚眉為宦者
遂得侍太后太后私與通絕愛之有身太后
恐人知之詐卜當避時徙官居雍正義曰雍
秦都大鄭官嫪毐常從賞賜甚厚事皆決
於嫪毐嫪毐家僮數千人諸客求官為嫪毐
舍人千餘人始皇七年莊襄王母夏太后薨
孝文王后曰華陽太后與孝文王會葬壽陵

正義曰秦孝文王陵在雍
州萬平縣東北二十五里夏太后子莊襄王

葬芷陽索隱曰芷音止地理志云京兆霸陵
縣故芷陽案在長安東也○正義曰

秦莊襄陵在雍州新豐縣西南三十
五里始皇在北故俗亦謂之見子陵故夏太

后獨別葬杜東索隱曰杜原之東也○正義
曰夏太后陵在萬年縣東南

三十里曰東望吾子西望吾夫後百年旁當有

萬家邑索隱曰宣帝元康元年起杜陵漢舊
儀武昭宣三陵皆三萬戶計去此一

百六十始皇九年有告嫪毐實非宦者常與

太后私亂生子二人皆匿之與太后謀曰王

即薨以子為後說苑曰毒與侍中左右貴臣博飲酒辭爭言而聞瞋目大

叱曰吾乃皇帝假父也竇人子何敢乃與我尤所與聞者走打白始皇○索隱曰劉氏竇

音其矩反今俗本多作屢字蓋相承錯耳不近詞義說苑作竇子言輕諸侍中以爲窮竇

家之於是秦王下吏治具得情實事連相國

子也

呂不韋九月夷嫪毐三族殺太后所生兩子

而遂遷太后於雍索隱曰說苑云遷太后咸陽宮地理志雍縣有咸陽

官秦昭王所起也諸嫪毐舍人皆沒其家而遷之蜀索隱曰家謂家生資物並沒於官人口則遷之蜀也王欲誅相國為其

奉先王功大及賓客辯士為游說者衆王不

忍致法秦王十年十月免相國呂不韋及齊

人茅焦說秦王秦王乃迎太后於雍歸復咸

陽徐廣曰入南宮而出文信侯就國河南歲餘諸侯

賓客使者相望於道請文信侯秦王忍其為

變乃賜文信侯書曰君何功於秦秦封君河

南食十萬戶君何親於秦號稱仲父其與家

屬徙處蜀呂不韋自度稍侵恐誅乃飲酖而

死徐廣曰十二年朝案皇覽曰不韋冢在河南洛陽北邙道西大冢是也民傳言呂母

冢不韋妻先葬故其冢名呂母也秦王所加怒呂不韋嫪毐

皆已死乃皆復歸嫪毐舍人遷蜀者始皇十

九年太后薨謚為帝太后索隱曰王邵云秦

耳其義亦當然也始皇稱皇帝之後故其與

母號為帝太后豈謂誅列主時之行乎

莊襄王會葬蒞陽徐廣曰一作並陽

太史公曰不韋及嫪毐貴封號文信侯索隱曰按

文信侯者乃即是呂不韋封也嫪毐得寵貴

侯上文已言不韋封此替中言嫪毐得寵貴

由不韋耳合人之告嫪毐毐聞之秦王驗左

右未殺上之雍郊毐恐禍起乃與黨謀矯太

后璽殺率以反斬年官正義曰斬年官在岐州城西故城內殺

吏攻毐毐敗亡走追斬之好時遂滅其宗索隱

曰地理志扶風有好時縣而呂不韋由此絀矣孔子之所

謂聞者其呂子乎語論曰夫聞也者色取仁


聞在家必聞馬融曰此言佞人也


索隱述贊曰

不韋釣奇 委質子楚 華陽立嗣
邯鄲獻女 及封河南 乃號仲父
徙蜀懲謗 懸金作語 籌策既成
富貴斯取

呂不韋列傳第二十五

史記八十五





不 許 複 製
NOT TO BE REPRODUCED
東京大学東洋文化研究所